

SLUŽBENA PRAVILA NAGRADNE IGRE „LJETUJ U TURSKOJ UZ PRIMADOG & PRIMACAT!“

Čl.1 Organizator i službena pravila nagradne igre

nagradnu igru “Ljetuj u Turskoj uz PrimaDog & PrimaCat!” organizuje Organizator SELT d.o.o, sa sjedištem: Višća Donja bb, Živinice BiH (u daljem tekstu Organizator), PDV broj: 210441300009, ID: 4210441300009. Nagradna igra će biti provedena po ovdje navedenim odredbama (u daljem tekstu Pravila), koja su obavezna za sve Učesnike. Nagradna igra je marketinška promocija organizovana kao poticaj za korištenje proizvoda brenda PrimaDog i PrimaCat.

Čl.2 Pravni izvori

Nagradna igra je nastala u skladu sa odredbama Zakona o igrama na sreću FBiH.

Čl.3 Teritorija

Nagradna igra je organizovana i biće provedena na teritoriji Federacije Bosne i Hercegovine po odredbama ovdje objašnjenim. Trajanje nagradne igre je u periodu od 16.06.2024. do 21.07.2024. godine. Nagradna igra se odnosi na sve Bingo maloprodajne objekte na području Federacije Bosne i Hercegovine.

Čl.4 Podobnost

4.1. U nagradnoj igri mogu učestvovati sve osobe starije od 18 godina koje su nastanjene/imaju stalno mjesto boravka na teritoriji Federacije Bosne i Hercegovine, koji prihvataju odredbe i uslove ovih Pravila (u daljem tekstu Učesnici). Zaposleni Organizatora i tehničke podrške i zaposleni u kompaniji Bingo d.o.o. u kojoj se sprovodi nagradna igra, kao i članovi njihove uže porodice (sin/kćerka, roditelji, brat/sestra ili supružnik) ne mogu učestvovati u ovoj nagradnoj igri.

4.2. Učestvovanjem u nagradnoj igri, Učesnici potvrđuju da su u potpunosti saglasni sa ovim Pravilima i saglasni su sa istim. Učestvovanje u ovoj nagradnoj igri jednako je obavezi poštovanja prethodno navedenih Pravila.

Čl. 5 Određeni proizvodi i uslovi

Uslovi učestvovanja u nagradnoj igri: Svaka osoba nastanjena na teritoriji Federacije Bosne i Hercegovine koja može učestvovati u nagradnoj igri je ona koja tokom promotivnog perioda od 16.06.2024. do 21.07.2024. godine u Bingo maloprodajnim objektima na području FBiH-a kupi proizvode brenda Prima Dog i/ili Prima Cat u minimalnom iznosu od 15,00 KM ili više na jednom fiskalnom računu, pošalje SMS poruku ili se prijavi putem www.primaljeto.ba u skladu sa mehanizmom opisanim u članu broj 7. ovog Pravilnika. Račun je potrebno sačuvati kao dokaz o obavljenoj kupovini i prijavi na nagradnu igru, te je isti potrebno dati na uvid prilikom primopredaje nagrade. Deklarisani dobitnici će trebati pokazati originalni račun Organizatoru i tehničkoj podršci na uvid kao dokaz o vjerodostojnosti računa. Broj kupovina i učešća nije ograničen, ali je moguće biti dobitnik samo jedne nagrade. Prijave računa sa istim brojem ili duplikati originalnih računa neće biti tretirani kao ispravni i neće biti uzeti u obzir za sretno izvlačenje. Organizator nije odgovoran za SMS poruke i web prijave koje nisu potpune ili koje nisu stigle.

Čl. 6 Nagrade

U ovoj nagradnoj igri Organizator nudi slijedeće nagrade:

NAGRADNI FOND	Broj nagrada	VIJEDNOST POJEDINAČNIH NAGRADA sa PDVom	UKUPNO BAM sa PDV-om
Vaučer za ljetovanje za 2 osobe. Polazak spram mogućnosti dobitnika nagrade i slobodnim kapacitetima od 15.08. do 13.09.2024. Aranžman na bazi 7 Noćenja Hotel 4* (Antalijska regija - Alanya) sa uslugom All Inclusive. Za građane BiH viza nije potrebna. Ukupno 2 paket aranžmana (4 osobe) Cijena po osobi 1.000,00 KM x 4 osoba = 4.000,00 KM Nagrade nije moguće mijenjati za novac. Nagrade iskoristive isključivo za aranžmane Turska ljetovanje 2024. - Avionom iz Tuzle u organizaciji Golden Tours doo Tuzla	2	2.000,00	4.000,00
Flatscreen TV LED 50" TELEFUNKEN 50UA9000BX ANDROID SLIM4K	3	739,00	2.217,00
Transporter za ljubimca	3	34,30	102,90
Vaučer za kupovinu u BINGO marketima u vrijednosti od 200KM	3	200,00	600,00
Brendirani peškiri za ljubimca	5	23,32	116,60
UKUPNA VRIJEDNOST			7.036,50

Ukupna vrijednost nagrada je 7.036,50 KM (PDV uračunat) po fiksnom kursu Centralne Banke, na dan 24.05.2024.

Čl. 7 Mehanizam nagradne igre

Za učestvovanje u nagradnoj igri organizovanoj u periodu od 16.06.2024. do 21.07.2024. godine u Bingo maloprodajnim objektima na području FBiH, svaka zainteresovana osoba koja ima pravo učestvovati u ovoj nagradnoj igri, po čl. 5, treba kupiti proizvode brenda PrimaDog i/ili PrimaCat u minimalnom ukupnom iznosu od 15,00 KM ili više na jednom fiskalnom računu i poslati SMS poruku sadržaja: broj fiskalnog računa (razmak) ime i prezime (razmak) i grad iz kojeg je učesnik na broj 091 212 402, na primjer: 12345 Marko Demirović Sarajevo. Cijena SMS poruke je 0,20 KM + PDV za korisnike iz svih mobilnih mreža (BH Telecom, HT Eronet, mtel i druge) ili se prijavi putem web forme www.primaljeto.ba. Cijene SMS poruka se neće mijenjati tokom nagradne igre. Svi učesnici će dobiti povratnu poruku da je njihova poruka primljena i potvrdu da učestvuju u nagradnoj igri. U slučaju da šalju neispravan sadržaj dobiće povratnu poruku/informaciju da je njihova poruka nevažeća.

Izvlačenje će se odvijati u prostorijama kompanije SMS Vision doo, Mladena Stojanovića 111, 78000 Banja Luka u 22.07.2024. u 15:00h. Dobitnik (dobitnici) će biti izvučen (izvučeni) putem posebno u tu svrhu izrađene aplikacije kroz kompjuterski softver gdje će biti objedinjeni svi učesnici koji su učestvovali u nagradnoj igri putem SMS poruka do 21.07.2024. 23:59:59 časova. Organizator ne snosi odgovornost za bilo kakve probleme nastale tokom promotivnog perioda, a koji se odnose na tekstualne poruke, internet i mobilne mreže sa kojih se poruke/prijave šalju te probleme koji su tako nastali i koji nemaju veze sa voljom Organizatora. SMS poruke se šalju/unose od 16.06.2024. do 21.07.2024. do 23:59:59 h. Neće se uzeti u obzir vrijeme kada je poruka poslana već kada je primljena. Jedan učesnik može poslati neograničen broj poruka za neograničen broj kupovina učestvujućih proizvoda, iskazanih na odvojenim računima, ali biti dobitnik samo jedne od nagrada. Račun je

potrebno sačuvati kao dokaz o obavljenoj kupovini i prijavi na nagradnu igru, te je isti potrebno dati na uvid prilikom primopredaje nagrade. Nakon izvlačenja, od dobitnika nagrade će se tražiti da predoči Organizatoru i tehničkoj podršci račun od kupovine da bi se potvrdilo da je kupovina obavljena u skladu sa mehanizmom ovih Pravila i u periodu nagradne igre.

Čl. 8 Dodjele nagrada, izvlačenje dobitnika

Izvlačenje dobitnika nagrada će biti izvršeno 22.07.2024. u 15h, pred tročlanom komisijom. Za svaku nagradu se izvlači jedan dobitnik i tri rezerve. Za vrijeme izvlačenja komisija zapisuje imena dobitnika uključujući ostale potrebne podatke, odnosno sačinjit će zapisnik u skladu sa članom 12. stav 4. Pravilnika o sadržaju pravila, uslovima i načinu priređivanja nagradnih igara. Nakon nagradnog izvlačenja i spoznaje o sretnim dobitnicima-Učesnicima nagradne igre, dobitnici će biti obavješteni o nagradama i načinu preuzimanja. Dobitnici će biti obaviješteni telefonskim putem od strane Organizatora u roku od 3 radna dana nakon izvlačenja nagrada. Ukoliko nakon 3 radna dana osoba koja je imenovana za dobitnika ne bude mogla biti kontaktirana ili u slučaju da učešće nije validno, rezerve će biti kontaktirane po redoslijedu izvlačenja. Zbog provjere validnosti, dobitnici trebaju poslati kopiju ili skeniran dokument putem e-maila ili faxes na adresu/broj koji će im predočiti Organizator. Ukoliko je dobitnik lice sa posebnim potrebama, potrebno je dostaviti i validan dokument zakonskog staratelja kojim dokazuje status roditelja/staratelja. Ukoliko je pratnja dobitnika nagrade za putovanje u inostranstvo maloljetno lice, potrebno je obezbijediti obezbijediti odobrenje roditelja ili staratelja.

U slučaju da je trošak putovanja iznad vrijednosti putovanja, Organizator snosi dodatne troškove. U slučaju da je trošak putovanja ispod vrijednosti nagrade Organizator zadržava razliku vrijednosti. Nagradno putovanje se odnosi isključivo na iznad navedenu destinaciju u navedenom terminu i ne može se zamjeniti za drugu destinaciju ili novac. Putnici sami snose odgovornost u toku i do kraja korištenja nagradnog putovanja.

Agencija odgovorna za realizaciju putovanja iz člana 6. je Golden Tours doo Tuzla

Čl. 9 Validacija nagrada i njihova dodjela

Dobitnici su dužni preuzeti osvojene nagrade najkasnije u roku od **30 dana** od dana prijema obavijesti o osvojenoj nagradi.

Ako dobitnik u roku iz stava (1) ovog člana ne preuzme osvojenu nagradu, gubi pravo na nagradu, a priređivač je dužan postupiti na način propisan članom 11. ovog Pravilnika.

Osvojena nagrada ne može biti unovčena ili zamijenjena, niti prenijeta na treća lica. Sve obaveze Organizatora u pogledu dobitnika nagrada prestaju u momentu preuzimanja nagrada.

Porez na dohodak obračunat će se u skladu sa Zakonom o porezu na dohodak FBiH

Sve nagrade će biti dostavljene na kućnu adresu putem kurirske službe. Trošak dostave snosi Organizator.

Čl.10 Povjerljivost

Organizator će preduzeti sve potrebne mjere predostrožnosti da osigura zaštitu ličnih podataka, zaštitu od gubitka, zloupotrebe, neovlaštenog razotkrivanja, izmjene i/ili distribucije u skladu sa Zakonom. Organizator preuzima odgovornost o zaštiti povjerljivosti ličnih podataka Učesnika za vrijeme trajanja ove promocije u skladu sa Zakonom o zaštiti ličnih podataka. Učesnici imaju slijedeća prava, u skladu sa Zakonom o zaštiti ličnih podataka: pravo da budu informisani, pravo pristupa podacima i pravo na osporavanje različitih radnji. Učestvovanjem u ovoj nagradnoj igri, Učesnici će

se izričito i jasno složiti da njihovi lični podaci dostavljeni Organizatoru budu uneseni u Organizatorovu bazu podataka, u svrhu učestvovanja u ovoj nagradnoj igri i procesu izvlačenja dobitnika. Organizator će uništiti sve lične podatke prikupljene od Učesnika, osim onih koji su proglašeni za dobitnike i koji će biti čuvani za potrebe računovodstva u skladu sa važećim Zakonima. Prava učesnika su zagarantovana Zakonom o zaštiti ličnih podataka i posebno se odnose na slijedeće:

- pravo da budu informisani o činjenici da se podaci prikupljaju
- pravo da budu upoznati sa podacima;
- pravo na promjenu podataka;
- pravo na žalbu.

Čl. 11 Proglašavanje dobitnika nagrada

11.1. Pravila nagradne igre će biti objavljena u dnevnim novinama na teritoriji FBiH, u skladu sa zakonom, prije početka nagradne igre.

U periodu od 15 radnih dana od dana nagradnog izvlačenja, rezultati i imena dobitnika će biti javno objavljena na oficijelnoj web stranici www.primaljeto.ba

Čl.12 Viša sila

U pogledu ovih Pravila, viša sila podrazumijeva događaje koji se ne mogu kontrolisati, ispraviti ili predvidjeti od strane Organizatora, uključujući i nemogućnost Organizatora usljed uslova nastalih neovisno od njegove volje i čija prisutnost se veže kasnije za nemogućnost ispunjavanja preuzetih obaveza. U slučaju više sile gdje događaj sprečava ili odlaže kompletno ili djelimično izvršenje Pravila i kontinuiranost Kampanje, Organizator će biti oslobođen ispunjavanja svojih obaveza za period u kojem je došlo do sprečavanja ili odlaganja Nagradne igre, uz prethodnu saglasnost Federalnog ministarstva finansija.

Čl. 13 Sporovi

U slučaju bilo kakvih sporova nastalih između Organizatora i Učesnika, oni će biti riješeni u duhu dobrih poslovnih običaja. U slučaju da strane ne mogu naći zajedničko rješenje, obje strane uključene u spor isti će rješavati na nadležnom sudu u Živinicama. Sve moguće žalbe, ukoliko ih bude, vezane za razvoj i trajanje Nagradne igre mogu se slati na slijedeću adresu: SELT d.o.o, Višća Donja bb, Živinice BiH u roku od 2 (dvije) sedmice od datuma objavljivanja dobitnika. Nakon ovog roka Organizator neće uzimati u obzir bilo kakve žalbe.

Sve žalbe, prigovore i reklamacije rješava organizator nagradne igre. U slučaju opravdanih pritužbi, organizator se obavezuje da će ih otkloniti u najkraćem mogućem roku i obavijestiti učesnika.

Čl.14 Službena Pravila Nagradne igre

Učešćem u Nagradnoj igri Učesnici su saglasni sa pravilima ove Nagradne igre.

Pravila stupaju na snagu nakon odobrenja od ministarstva finansija FBiH.

Živinice, 24.05.2024.godine

Broj protokola: 78/24

Broj rješenja: UP-05-12-1-634/24 od 07.06.2024.

Direktor, Eldin Fatić